

փոխադրելուն, այժմ յետ առին իրենց առաջարկը և տատանում էին անվճռականութեան մէջ:

Այս բոլոր կարծիքները լսելուց յետոյ, Քաջագնունին յայտարարեց, որ եթէ Ազգ. Խորհուրդը մնայ Թիֆլիսում կամ կազմեն երկու Ազգային խորհուրդներ, ինքը կը հրաժարուի վարչապետութիւնից: Որի վրա, 7 քէով ընդգէմ Ծի, որոշեց Ազգ. Խորհուրդն ու կառավարութիւնը տեղափոխել Երևան: Հայը շատ ամուր էր նստել Թիֆլիսում ու դժարութեամբ էր սով դալիս:

Երկար ձգձգումներից ու վարանումներից յետոյ, յուլիս 17-ին, Ազգ. Խորհուրդն ու կառավարութիւնը, վերջապէս, մեկնեցին Երևան: Ալեքսանդրապոլով զնալը վտանգաւոր էր. Սանահինց սկսած երկաթուղին դառնում էր թիւրքերի ձեռքը: Պէտք էր անցնել Աղստաֆա—Դիլիջանով:

Մեկնողների մէջ էին՝ կառավարութեան անգամները՝ Քաջագնունին, Խ. Կարճիկեանը, զօր. Հախվերդեանը, Ազգ. Խորհրդի կողմից՝ Ա. Սահակեանը, Ս. Տիգրանեանը, Ստ. Մալխասեանը, Պ. Զաքարեանը, Ռ. Տէր-Մինասեանը, Ա. Խոնդկարեանը, բժ. Ա. Բաբալեանը, Հ. Ազատեանը, Ա. Մխիթարեանը և ուրիշներ, այլ և զօրապահակ՝ Դալի Ղազարի գլխաւորութեամբ: Նրանց հետ գնում էին և երկու զերմանացի սպաներ՝ լէյտենանտ Ֆոն Մոմսենը և օրեր-լէյտենանտ Ալզենմանը՝ զօր. Ֆոն-Քրեսի ներկայացուցիչները, և մի թիւրք օպայ Վեհիբ փաշայի կողմից:

Մեկնումը կատարուեց շատ տխուր պայմաններում: Վրացիները, որոնք, առհասարակ, երևելի վարպետներ են հանդիսաւոր ընդունելութիւններ ու «բարի երթ»-եր կազմակերպելու, այս անգամ, կարծես դիտմամբ, արել էին ամէն բան, որպէսզի վիրաւորեն հայերի ինքնասիրութիւնը: Հաւանակ նախօրօք հայերի կողմից արւած դիմումի, վրաց կառավարութիւնը ոչ մի քայլ չէր արել դիւրացնելու համար «քոյր հանրապետութեան» կառավարութեան ճանապարհորդութիւնը: Վրաց կառավարութեան կողմից ոչ մի ներկայացուցիչ չէր եկել կայարան: Երկաթուղային վարչութիւնը, իր հերթին, անփափկանկատ բռնադատութիւններով, դժարութիւններ էր հանում. արամադրել էր մի հին, կեղտոտ ու անյարմար վագոն, կարծես զաղթականներ էին ճամբորդողները: Մեծ դժարութեամբ կարելի էր եղել արտօնութիւն ստանալ՝ մի-երկու կիսախարխուլ ինքնաշարժ տանելու: Նւաստացած, դառն զգացումներով հեռացան Թիֆլիսից Հայաստանի վարիչները: Կարծես, թշնամի երկրից էին հեռանում: Փոյլի կայարանում վրաց սահմանապահները լրացրին պակասը՝ փորձելով նոյնիսկ խուզարկել Հայաստանի կառավարութեան վագոնը, և միայն զերման սպայի միջամտութիւնը ազատեց այդ խայտառակութիւնից:

Ընդհակառակը, ինչքան տարբեր էր վերաբերումը Ադրբէյջանում: Սահմանի վրա հայկական կառավարութիւնը ընդունեց զինուորական պատիւներով. ընդառաջ էին եկել նահանգապետը և Ադրբէյջանի կառավարութեան ներկայացուցիչները: Աղստաֆայում և Ղազարիում արեց պաշտօնական ընդունելութիւն. ճաշ էր պատրաստւած ի պատիւ հիւրերի: Թուրք